



Comuna de T À T A R I

Ordinàntzia n. 112 de su
04/12/2020

Proponente Direzione Generale

Ogetu:

MESURAS IN MATÈRIA DE CUNTENIMENTU DE S'EMERGÈNTZIA EPIDEMIOLOGICA DAE VIRUS SARS-COV 2. CUNFIRMA DE S'ÒBLIGU DE IMPREARE PURU IN LOGU ABERTU SAS MASCHEREDDAS E ÀTERAS DISPOSITZIONES PRO CUNTRASTARE SAS OCASIONES DE ISTARE A MUNTONE.

SU SÌNDIGU

BIDU su DPCM de su 3 de nadale de su 2020, publicadu in sa *Gazzetta Ufficiale* n.301 de su 03 de nadale de su 2020 “Àteras dispositziones atuativas de su decretu-lege de su 25 de martzu de su 2020, n. 19, mudadu, cun modificatziones, dae sa lege 25 de maju de su 2020, n. 35, chi giughet «Mesuras urgentes pro fàghere fronte a s'emergèntzia de s'epidemia dae COVID-19», e de su decretu-lege de su 16 de martzu de su 2020, n. 33, mudadu, cun modificatziones dae sa lege 14 de triulas de su 2020, n. 74, chi giughet «Àteras mesuras urgentes pro fàghere fronte a s'emergèntzia de s'epidemia dae COVID-19», e « puru de su decretu-lege 2 de nadale de su 2020, n. 158, chi giughet: «Dispositziones urgentes pro fàghere fronte a sos arriscos sanitàrios ligados a sa difusione de su virus COVID-19»”

BIDU su decretu-lege 7 de santugaine de su 2020 n.125, chi giughet “Mesuras urgentes ligadas a sa pròroga de sa deccrarazione de s'istadu de emergèntzia pro s'epidemia dae COVID-19 e pro sa continuidade operativa de su sistema de allerta COVID, e puru pro s'atuazione de sa diretiva (UE) 2020/739 de su 3 de làmpadas de su 2020”;

BIDU su DPCM 7 de cabudanni de su 2020 publicadu in sa G.U. n.222 de su 7 de cabudanni de su 2020 “Àteras dispositziones atuativas de su decretu-lege de su 25 de martzu de su 2020, n.19, chi giughet mesuras urgentes pro fàghere fronte a s'emergèntzia de s'epidemia dae COVID-19, e de su decretu-lege 16 de maju de su 2020, n.33, chi giughet mesuras urgentes pro fàghere fronte a s'emergèntzia de s'epidemia dae COVID-19;

BIDU su decretu-lege 30 de triulas de su 2020 n.83 “Mesuras urgentes ligadas cun s'iscadèntzia de sa deccrarazione de emergèntzia pro s'epidemia dae Covid-19 deliberada su 31 de ghenàrgiu de su 2020” che perlongat a su 15 de santugaine de su 2020 sos tèrmines de sa deccrarazione de emergèntzia pro s'epidemia dae Covid-19;

BIDU su Decretu-lege n. 19 de su 25 de martzu de su 2020, gasi comente mudadu dae su mentovadu Decretu Lege 30 de Triulas de su 2020 n.83, publicadu in sa G.U. n.79 de su 25 de martzu de su 2020 chi giughet “*Mesuras urgentes pro evitare sa difusione de su COVID-19*”, chi disciplinat sas mesuras de adotare pro controire sa difusione de su COVID-19 cunforma a sos critèrios de adequatesa ispetzifica e printzìpios de proportzionalidade a s’arriscu presente a manera efetiva subra partes ispetzificas, e puru subra de totu su territòriu natzionale;

BIDU s’articulu 117 de su Decretu Legislativo 31 de martzu de su 1998 n.112, in matèria de cunferimentu de funtziones e còmputos amministrativos de s’Istadu a sas regiones e a sos entes locales;

TENTU CONTU de su Decretu-Lege 16 de maju de su 2020 n.33, mudadu, cun modificatziones, dae sa lege 14 de triulas de su 2020, n.74, chi giughet “*Àteras mesuras urgentes pro fàghere fronte a s’emergèntzia de s’epidemia dae COVID-19*»;

RECRAMADAS sas Deliberas de su Consìgiu de sos Ministros de su 31 de ghennàrgiu de su 2020 e de su 29 de triulas de su 2020, cun sas cales est istadu decraradu s’istadu de emergèntzia in su territòriu natzionale relativu a s’arriscu sanitàriu ligadu a su cumentzu de una maladia chi derivat dae virus chi si podent trasmìtere;

ESAMINADA s’Ordinàntzia de su Ministèriu de sa Salude de su 16 de austu de su 2020;

BIDOS sos provvedimenti adotados dae su Presidente de sa Giunta de sa Regione Autònoma de Sardigna;

BIDA sa decrarazione de s’Organizazione mondiale de sa Sanidade de s’11 de martzu de su 2020 cun sa cale s’epidemia dae COVID-19 est istada valutada comente “*pandemia*” in consideru de sos livellos de isparghidura e gravidade seguidados a livellu globale;

CONSIDERADU s’evoluzione de sa situazione de s’epidemia a livellu internazionale e su caràtere difusivu a manera particolare de s’epidemia dae COVID-19;

BIDA s’oportunidade de s’ordinàntzia sindacale pro minimare sa possibilitade de difusione de su virus SARS-COV -2 determinada dae presèntzias medas e possibilitade chi sas persones istent totu umpare siat in logos serrados siat a s’ària aberta;

RITÈNNIDU de dèvere integrare dispositivos oportunos e de amparu pro adotare trastes eficatzes in relata a sas particularidades chi caraterizant custu territòriu, bida s’evoluzione e s’arriscu de crèschida de su contàgiu in s’ùrtimu periodu;

TENTU CONTU de sa netzessidade de ricùrrere a su poderiu contingibile e urgente, pro cuntrastare sa difusione de s’emergèntzia de s’epidemia, adotende mesuras eficatzes de cuntenimentu de sa difusione de su virus, pro amparare sa salute de sos tzitadinos;

RILEVADU chi pro cuntènnere sa difusione de s’emergèntzia de s’epidemia e puru a tutela de sa tzitadinàntzia prus debìle, diventat essentziale prus de in antis pònneru in campu sas atziones prus intzisivas pro evitare sos cuntatos tra persones e chi pro custu est fundamentale cunfirmare s’òbligu de s’impreu de sa mascheredda siat in logos serrados siat a s’ària aberta;

BIDU s'art. 32 de sa lege 833/1978 chi atribuit a su Sìndigu, in calidade de autoridade sanitària locale, cumpetèntzias in matèria de adotzione de provvedimenti a tutela de sa salute pùblica;

BIDA sa lege 689/1981;

RECRAMADU su D.Lgs n.267/2000 in sa parte in ue disciplinat sos mandos de su Sìndigu, e in particulare s'art. 50 de su decretu mentovadu in subra;

RITÈNNIDU ùtile e netzessàriu garantire unu livellu de amparu e distanziamentu sotziale pro cuntènnere sa difusione de s'epidemia mentovada in su territòriu de sa Comuna de Tàtari;

ÒRDINAT

Pro sas motivaciones espressadas, abarrende firmu s'òbligu de aplicatzione de cantu apostivigadu dae su DPCM de su 3 de nadale de su 2020, si disponet sa pròroga de s'eficàtzia de s'ordinàntzia sindacale n. 110 de su 23.11.2020 finas a su 15 de ghenàrgiu de su 2021, e puru de sas prescritziones cuntènnidas in sas ordinàntzias n.97 de su 28 de santugaine de su 2020, nn. 101 e 106 de su 13 de santugaine de su 2020 s'iscadèntzia de sa cale, non cuntrastat cun custu provedimentu, est diferida puru custa, a su 15 de ghenàrgiu de su 2021.

In particulare, a integratzione de sas prescritziones cuntènnidas in su DPCM de su 3 de nadale de su 2020, si disponet:

a) Est obligatòriu in totu su territòriu comunale bestire sas maschereddadas pro amparare sas bias respiratòrias in sos logos serrados diferentes dae sas abitatziones privadas e in totu sos logos abertos a fora chi pro sas carateristicas de su logu o pro àteras tzircustàntzias, siat garantida a manera sighida sa cunditzione de isolamentu pro sas pessones chi non bivent umpare.

In particulare, est òbligu bestire sa mascheredda pro amparare sas bias respiratòrias cando si camminat peri sas carreras o pratzas de sa tzitade frequentadas dae àteros impitadores ca in cussa tzircustàntzia non b'at tzertesa de preservare a manera sighida sa cunditzione de isolamentu dae sas pessones chi non bivent umpare;

Sas maschereddadas ant a dèvere èssere bestidas puru a intro de sos parques, àreas de ispàssiu, giardinis pùblicos;

sas maschereddadas de amparu de sas bias respiratòrias si divent semper giùghere fatu puru si s'andat in àreas perifèricas, a fora de su tzentru urbanu, e mustradas a sos òrganos de vigilàntzia si custos nde faghent rechesta ispetzifica.

Non sunt obligados a bestire custos dispositivos mentovados sos pitzinnos chi apant un'edade inferiore a sos ses annos e sas pessones disàbiles o cun maladies incompatibiles cun s'impreu sighidu de sa mascheredda, est a nàrrere sos sugetos chi interagint cun sos mentovados in antis;

Sa mascheredda si devet bestire a manera curreta, est a nàrrere devet ammontare dae sa punta de s'arva finas a subra de su nasu: pònner sa mascheredda a manera non regolare pònende-la suta de sa punta de s'arva est comente a non si la pònner e est una farta a s'osservàntzia de sas prescritziones apostivigadas pro cuntènnere sa difusione de s'emergèntzia dae s'epidemia;

Abarrat firmu chi est proibidu de istare a muntone in cale si siat forma, puru si s'impreat unu dispositivu de amparu de sas bias respiratòrias, e chi devet èssere assegurada a manera costante sa distàntzia de seguresa tra una pessone e s'àtera de a su mancus unu metro e de a su mancus duos metros si si faghet atividade isportiva; durante s'atividade isportiva in logu abertu no est obligatòriu bestire dispositivos de amparu de sas bias respiratòrias ma ant a dèvere èssere osservadas a manera integrale sas àteras prescritziones cuntènnidas in custu provedimentu.

Est a manera crara proibidu fàghere atividade fisica isportiva, puru pro ispàssiu ("jogging, footing") sena sa mascheredda in logos in ue b'apat pessones medas o logos o istradas pùblicas atraessada e frequentadas a manera regolare dae àteros impitadores. comente a cantu apostivigadu pro sos locales pùblicos est proibidu a si frimmare e si tratènnere subra de martzapedes, ispiatzos, pratzas, iscalinadas e in onni àteru tretu pùbliku in grupos de prus de bator pessones, si non si bivet umpare a manera abituale, bastat chi onniunu apat sa mascheredda bestida a manera curreta, pro amparare sos àteras pessones chi bi sunt.

S'acumpangiamentu de sos mortos a su Campusantu de sa tzitade, devet èssere in grupos de non prus de bator pessones, si non bivent umpare a manera abituale, a manera chi si potzat garantire una distàntzia tra grupos pro no istare totu paris e no àere cuntatos de pare a pare chi diant favorèssere sa difusione de su contàgiu.

b) Est proibidu a manera assoluta de nde bogare o ispostare sa mascheredda, dae sa positzione curreta de amparu de su nasu e de sa buca, pro fumare in àrea pùblica, e puru in logos a s'ària aberta, in presèntzia de àteras pessones;

c) Dae sas 22,00 a sas 05,00 de sa die imbeniente e dae sas 22.00 de su 31 de nadale de su 2020 a sas 07.00 de su 1 de ghenàrgiu de su 2021 sunt cunsentidos solu sos ispostamentos motivados dae esigèntzias de traballu cumproadas, dae situatziones de netzessidade est a nàrrere pro resones de salute.

Est a onni manera racumandadu meda, pro su restu de sa die, de non si mòvere, cun mèdios de trasportu pùblicos o privados, a fora de esigèntzias de traballu, de istùdiu, pro resones de salute, pro netzessidade o pro acumprire atividades o usufruire de servìtzios non suspesos;

d) A manera cunforme a cantu apostivigadu dae su DPCM 3 de nadale de su 2020, a s'art.1, puntu 10, litera ff), sena distintzione tra istruturas de bèndida mèdias e mannas e barighende sas classificatziones sebestadas dae sa legislatzione de sa Regione Sardigna, "in sas dies de festa e in sa die in antis sunt serrados sos esertìtzios cummertziales presentes a intro de sos mercados e de sos tzentros cummertziales, gallerias cummertziales, parques cummertziales e àteras istruturas consideradas che pare, a fora de sas potecàrias, e "parafarmacie", presidios sanitàrios, butegas de roba de mandigare, de produtos agricòlos e de froes e prantas, istancos e edìcolas;

e) Sos gestores de sos distributores "self-service" automàticos de roba de bufare ant s'òbligu de sessare sa bèndida dae sas 22,00 a sas 05,00 de onni die (dae sas 22,00 a sas 07,00 sa note tra su 31 de nadale de su 2020 e su 1 de ghenàrgiu de su 2021);

f) Sa disubbidientzia a una o prus prescritziones impostas cun ordinàntzias sindacales siat a sos titulares de sos esertìtzios de ristoratzione siat a sos titulares de cale si siat àtera atividade cummertziale, considerada comente esertìtziu de bighinadu, o puru comente istrutura de bèndida mèdia o manna (puru s'est a intro de unu tzentru cummertziale), abarrende firma s'aplicatzione de sa santzione amministrativa in dinari cumportat in agiunta a sas santziones atzessòrias apostivigadas dae sos òrganos tzentrales de s'Istadu, sas santziones amministrativas atzessòrias elencadas suta:

1. Pro sa prima violatzione a una o prus de sas prescritziones impostas dae sas ordinàntzias sindacales in cursu de valididade sa serrada de s'atividade pro 5 dies;
2. pro sa segunda violatzione, sa serrada de s'atividade pro deghe dies;
3. pro sa de tres violatziones sa serrada de s'atividade pro bindighi dies;
4. dae sa de bator violatziones s'aplicat sa santzione atzessòria de sa serrada de s'atividade:

g) Comente giai apostivigadu cun ordinàntzia sindacale n. 95 de su 26 de santugaine de su 2020 e torradu a leare cun DPCM 3 santandria de su 2020 est proibidu de consumare binu, birra e alcòlicos e superalcòlicos e roba de mandigare siat firmos in unu logu siat in giru dae sas 18,00 a sas 05,00 de sa die imbeniente, sete dies subra de sete, e dae sas 18,00 de su 31 de nadale de su 2020 finas alle ore 07,00 de su 1 de ghenàrgiu de su 2021, in totu su territòriu comunale in àreas pùblicas e privadas abertas a impreu pùblicu.

Pro consumu de roba de bufare si considerat su possessu de una de sas cosas de bufare mentovadas a sa cale nde siat istadu bogadu su tapu chi serrat s'istèrgiu(tapu, lingueta de sa latina etz...), o chi siat in tatza. Su consumu de sas cosas de bufare mentovadas in subra, o de roba de mandigare, dae tres o prus pessones reunidas in grupu detèrminat, in agiunta a sa conduta illètzita narada in subra, sa violatzione de s'òbligu chi apostivigat sa proibitzione de istare a muntone.

In casu de mancada osservàntzia de sas ordinàntzias sindacales in cursu de valididade at a s'ghire s'aplicatzione de sas santziones amministrativas apostivigadas dae s'art.4 de su Decretu Lege 25 de martzu de su 2020 n.19 mudadu cun modificatziones dae sa lege 22 de maju de su 2020 n.35, puru in combinadu dispostu cun s'art.2 de su D.L. 16 de maju de su 2020 n.33 mudadu cun modificatziones cun lege de triulas de su 2020 n.74 e de sas santziones dàbiles apostivigadas dae sas ordinàntzias mentovadas in subra adotadas dae custa Amministratzione chi s'annanghent in prus;

Custu provedimentu at eficàtzia dae sa data de oe finas a su 15 de ghennàrgiu de su 2020, iscadèntzia temporale cunfirmada puru pro sas ordinàntzias nn. 97/2020, n 100/2020, nn. 101 e 106, 2020, 110/2020 in sas partes in sas cales non cuntrastant cun custu provedimentu e cun cantu apostivigadu dae su DPCM 3 de nadale de su 2020; pro cantu no est disciplinadu a manera espressa agatat aplicatzione su dispostu de su cale a su DPCM de su 3 de nadale de su 2020;

Afidat a sa Politzia Munitzipale e a sas Fortzas de s'Òrdine su controllu de su respetu de custa ordinàntzia.

Custu provedimentu est afissadu a s'Albu Pretòriu de sa Comuna de Tàtari e nd'est dada publicidade pro mèdiu de s'imprenta e pro mèdiu de su giassu internet de sa Comuna www.comune.sassari.it.

Cunforma a s'art. 3 de sa Lege n.241/90, contra a custu provedimentu est ammitidu su ricursu a su T.A.R. intro de 60 dies dae sa publicatzione de sa presente, o ricursu istraordinàriu a su Presidente de sa Repùblica intro de 120 dies.

Custa ordinàntzia est notificada a:

- Politzia Munitzipale, SEDE;
- Carabineris Tàtari (Cumandu Provintziale e Istatzione), tss29374@pec.carabinieri.it;
- Politzia de Istadu, Carrera G. Palatucci n.1, Tàtari, gab.quest.ss@pecps.poliziadistato.it;
- Prefetura, Ufitziu territoriale de su Governu, Tàtari; protocollo.prefss@pec.interno.it;
- Guàrdia de Finàntzia, carrera Gavino Pinna n.17, Tàtari, ss0500000p@pec.gdf.it;
- ATS Sardigna Tàtari, Servìtziu Igiene e Sanidade Pùblica; serv.igienepubblica@pec.aslsassari.it;
- Servìtziu Ispetoradu ripartimentale de sas forestas – Tàtari: cfva.sir.ss@pec.regione.sardegna.it

Tàtari, 4 de nadale de su 2020

SU SÌNDIGU

Gian Vittorio Campus



CAMPUS GIAN
VITTORIO
04.12.2020
14:18:29 UTC